

ABSTRAK

PEMATUHAN GARIS PANDUAN SKM: PENGURUSAN DAN AKTIVITI PERNIAGAAN KOPERASI

Oleh

Siti Maimunah Jerni, MohdZaib Mat Yunus, Yusnita Othman

Noor Shafeeza Zainuddin

Disember 2015

Maktab Koperasi Malaysia

Garis Panduan (GP) telah diperkenalkan semenjak tahun 1998 oleh Suruhanjaya Koperasi Malaysia (SKM) dan merupakan dokumen yang menjadi asas rujukan dalam tadbir urus serta pengurusan koperasi di Malaysia. Justeru, gerakan koperasi adalah diwajibkan untuk mematuhi GP yang berkaitan dengan fungsi dan operasi setiap entiti koperasi terbabit. Penyelidikan ini dijalankan untuk mengenalpasti kesedaran koperator terhadap kewujudan GP yang dikeluarkan oleh SKM, sekaligus dapat menilai pematuhan setiap koperasi terhadap GP yang berkaitan dengan tadbir urus, aktiviti perniagaan yang fokus kepada aktiviti kredit, Ar-Rahnu dan Subsidiari. Metodologi kajian ini menggunakan kaedah kualitatif dan kuantitatif. Kajian telah dijalankan ke atas 35koperasi di Malaysia melalui borang soal selidik yang telah dijawab oleh Anggota Lembaga Koperasi (ALK), Jawatankuasa Audit Dalaman (JAD), Pengurus Koperasi dan kakitangan koperasi. Hasil Kajian menunjukkan sebanyak 11 GP sebagai instrumen kajian tidak dipatuhi oleh sebilangan sampel, walau bagaimanapun semua koperasi mempunyai kesedaran terhadap keseluruhan GP yang dikeluarkan oleh SKM. Faktor-faktor terhadap ketidakpatuhan juga telah ditemui, serta dianalisa melalui “Content Analysis” dan proses “Validity” dengan menemubual koperasi yang terbabit.

Kata Kunci: *Garis Panduan (GP), Tadbir Urus Koperasi, Pematuhan, Faktor Ketidakpatuhan, Tier I dan Tier II*